

## Gīveno kāp šveds

Trauko i muokīkla. Išejau i kieli –  
Ē per pēina punkta sotinko draugieli.  
„Einau, Aduomieli, aitvarus paleistē  
Ēr i tieva pēivas „vuokīti“ pažaistē.“

Mūsa būrie Aduomelē trūka.  
Gers ons vāks: nekeikas, da nerūka.  
Tuoks ēr aš bovau, ka nomus tievs veiziejē,  
Kol pri šūdgrībiū i Airējē neišplostiejē.

Adomielis vuožuo: „Kon sakīs mamītē?“  
Ar apsēmuok tēp dēina praganītē?  
Je muokīklas slēnkstē nepaslinksio mintē,  
Rēks, kāp tievou, šūdgrībius augintē.“

No, kāp nuori! Pagada nesvaiduos –  
Ont pēivelēs jau saulelē raituos.  
Eisio so draugelēs aitvarus paleistē  
Ē so sava chiebro „vuokīti“ pažaistē.

Ka tievelē grīš iš Airējēs so „merso“,  
I kabina siesious, vaira nosētverso.  
Vo ka paugsio – teisēs išlaikīsio  
Ē po Skouda gatvēs palakstīsio.

Gīveno kāp šveds! Dēinelēs būtom ramēs,  
Tik babūnē kriuoķ ē orbēn kramē:  
„Je muokīklas slēnkstē nepaslinksio mintē,  
Rēks tau, anūkieli, šūdgrībius augintē.“